

興國縣志卷之四十三

藝文九

國朝詩

周令樹字計百延津人贛州府推官太原府同知

興國

捧檄來興國江邊復嶺邊竹籐穿紫石板屋接青天古  
鏃拾殘壘新魂叫暮煙憑軒問父老帶甲自何年

謁海忠介公祠二首

忠介承平日彈琴治此城歸然一像在相對數松清小  
聚人成市空山馬不鳴驅車詢往事父老幾吞聲

興國縣志

卷四十三

藝文 國朝詩

一

此老立朝後名高御史臺如何為令尹遂已動風雷下  
吏能張膽大臣真愛才蕭條悲異代繫馬拜塵埃

梁清標號棠邨真定人大學士蕉林書屋集

寄贈興國會緝真

湖海身閒汗漫餘江城白髮混樵漁遊窮芒履山川奧  
學受青囊卜筮書抱膝煙霞供嘯咏開樽風月到庭除  
鬱孤臺北壺天閣花外應多長者車

吳正治字賡菴漢陽人大學士

前題

世棄嚴遵老山尋尚子游著書貽令尹飛矢謝滄洲庭



授芳芸靜門栽瀼木幽法法貢江水黃髮映羊裘

魏書字石牀寧都人

紀聞有序

凌雲山直宜黃永豐興國諸縣間有山野人萬歷中來居是山不受結繩書契譯其語言非廣之排猺坳鬼必閩之濱海島所居民也其俗女勤而男惰以耕織自足亦不甚異人性能生食諸蟲毒冬夏無寒熱二十年來種漸繁近以世亂稍稍徙去云

凌雲山綿數百里牙鼓靈峒中峯起險谿怪壑暗靈湫

興國縣志

卷四十三

藝文  
國朝詩

二

中有毒龍潛淵底時時只見雲霧興微雨常飛晴明裏  
穆穆高木歛陰風白晝晦冥魑魅喜此中聞有山野人  
無識無知同鹿豕其族來從萬歷中種類難名聲嗟噤  
腰縣籬篳各不同意儼以此標姓氏二家男女互為婚  
與世通姻遂為恥到處嘗土識土宜覘土厚薄為行止  
所居多至三五年土力既盡輒他徙徙日山山廣植杉  
殷勤便報山租禮居倚木石畧覆苫結芒遂安牀與几  
嬰兒常挂樹枝頭星風露月猶鋤理樹藝五穀俱怪奇  
高嶺插禾不須水墾草無事敬人時但看花開為歲始  
俗喜虞機口腹貲亦嘗徒手格虎兕含血俛蟲食何疑



往往弁及蝟與蟻長幼自然合彝倫片言要約無回齒  
吾嘗撫時動深思太古遺風不再矣安知山澤有黃農  
涓閔居然在於此兵寇充斥近年來厥類潛蹤絕首尾  
先幾復與齊民殊反笑豪英束縛死隱耶仙耶何處歸  
凌雲之山生無已

顧

岱

字商若號止齋無錫人戊戌進士  
贛州府同知陞杭州知府

甲寅冬江背峒撫賊紀事八首

匹馬臨江背前旌近賊營由來皆赤子何忍作長平地  
險輕王法民頑有至情撫綏原不易先軌是陽明

白刃戕多命黃雲覆敵臺孤營兼雨困羣寇仗天裁野

興國縣志

卷四十三

藝文  
國朝詩

三

哭收遺骨儲糧付燼灰空憐諸難婦辛苦賊中來

山鬼稱都督勾連亦杞憂螺山頻告警鼠穴布新謀暫

解黃巾甲仍歸縣尉頭帳房霜露積敢悔此淹留

偶然學聚米何事夜量沙聽鼓軍能振傳籌士不譁鄙

生還有舌李廣漸思家醉卧沙場夜憂危看鬢華

受降城更築峒口列行營賊黨終疑畏吾言本至誠宰

牛安壯士灑酒酌神明羅拜深山裏終當感

聖情

凝寒愁積雨獨坐聽嚴更氣壯中宵角山懸戍火營逆

顏螳欲拒挺嶮鹿頻驚廟算須長策吾今憶祖生



共道兵猶火誰知叢有神儒生疎劍畧大將播  
皇仁襁負披荆棘降書列主臣鼓鐘開宴饗戎首叩車  
塵

殘冬依戰壘花事數歸期好友皆孤另清齋久別離  
聲騰虎旅勁氣爽蜂旗白面終何補為賡奏凱詩

徐祚煥

送曾煥卿南歸

曾君文迪之苗裔

龍章特徵相幽薊南北山川入掌中指歸不與凡夫例  
凡夫相地不問心君言吉壤歸吉人此言一出破羣謬  
興國縣志 卷四十三 藝文 國朝詩 四  
始知九卷皆虛陳今君浩然事高舉青鳥一卷囊中貯  
稚川丹井泉涓涓白石供餐幾回煮

張貞生

字箕山廬陵人翰林學士

贈曾煥卿

衫履脫然來自東不知世上有樊籠為吾撮米言形勝  
大地山河指顧中

鄭亦鄒

字居仲漳浦人

贈廖一臣

遺士堂封春草青峯前一片石停停何人為理松間鋤  
郭璞囊中出葬經



王士正

號阮亭新城人刑部尚書南海集

題雪霽南轅圖送張宏遠之官興國

螿蟲已墜戶行旅方閉關問君將何之  
齷齪駕車冰塞川層冰峨峨鹿鳴澤  
六出花飛雪盈尺蒼茫不辨黃金臺  
突兀遙連太行白車中有客裘蒙茸  
高枕抱膝如降中昨朝秘省吟紅藥  
今日寒原逐斷蓬君家清門臨青里  
遙指西江隔雲水三高祠下去松陵  
五老峯前渡彭蠡丈夫何用別雄雌  
寒谷亦有回春時鬱孤臺上獨搔首  
應續當年玉局詩

再送

興國縣志

卷四十三

藝文國朝詩

五

薄宦三千里驚濤十八灘萍蓬岐路遠  
松桂玉堂寒木客吟中聽山都樹杪  
看炎方風土異行矣慎加餐

顧圖河

字書宣江都人翰林編修

前題

日瘦風酸氣凜冽把卷空庭看殘雪  
宦途染指識酸醜若個魚羔兼膈髓  
倚窓閒展南轅圖絹素迷離忽騷屑  
川原蕭瑟鮮行旅煙嵐遠近紛明滅  
澤腹堅凍高峨峨十丈層冰如積鐵  
牛車載書行犖确車中之人用意別  
狐裘蒙茸欲何之凍柳槎枒未堪折  
公才公望世所推出宰百里詫奇絕  
虔州舊是山水邦翠浪虹橋森拱列



文字端明證夙因江山清獻停車轍君今宦遊實繼之  
螺亭如鬪青蓮舌翰林偈仄君眼見臣朔金門苦羈紲  
洋洋章貢樂長饑一笑人間面顏熱猥予作客不稱意  
每對初陽生眼纈乘傳期君及早還莫言官序文人拙  
神仙淪謫事偶然繡衣十襲爲君設呵冰炙硯送君行  
陽關三疊歌初闕

繆

沅字湘芷泰州人翰林編修

前題次韻

狐裘不暖朔風冽又見燕山三丈雪桑乾河頭日送人  
獨跨疲驢如跛鼈張侯別我將之官手展畫圖意騷屑

興國縣志

卷四十三

藝文國朝詩

六

天邊黃鶴競嘴距雪上冥鴻寒印滅紅罽裹身叱馭行  
白楊聲響堅如鐵太息君爲章貢遊消魂此是河梁別  
君昔翰林官中朝脫口詩成我心折匪惟王瞻美三術  
亦復顧愷饒三絕才人作吏自古嗤誰遣音聲寄朝列  
分符喜得山水邦上洛山南卧車轍我聞贛石三百里  
襄陽東坡兩捫舌當時愛作賈胡留宦遊詎復傷羈紲  
廉泉一掬玻璃寒洗淨塵埃肺肝熱到官剛及早春時  
紅樹江梅眼生纈上車不落竟何常萬事何妨用吾拙  
山縣從來訴牒稀隱囊塵尾恥陳設黃紬被暖曉吟清  
衙鼓隆隆聲正闕



劉

巖字大山江浦人翰林編修

前題

蘆溝水凍漸不流燕山雪片飛不休朔風一夜捲雲散  
千峯日氣纏銀虬阿誰笠帽被罽裘柴車一輛驅兩牛  
一牛負輓肩駕輶一牛纍纍腰曲僂藥囊書橐鋏荆緝  
脊梁駝負安如舟饑嚙枯稽冰滿喉泥深石滑何用愁  
避世金馬心悠悠宦情總若浮雲浮贛江之水清且澗  
去上螺亭登鵲樓此行豈復生鬱憂臣朔饑餓死卽休  
豈如銅章爍爍帶垂鈎江黃舒蓼相匹儔排衙擊鼓居  
上頭有民有社稱諸侯何必取青媿白同俳優車輪  
輾牛犢犒槎枒寒木風颼颼

興國縣志

卷四十三

藝文  
國朝詩

七

李

鎧字公凱號漁村山人內閣學士

送張損持館丈出宰興國

男兒束髮飽詩書豈徒丹轂榮簪裾通籍業已登石渠  
開濟固合平生儲不爾課績慙空疎筐篚下逮胡爲乎  
吳江太史今嚴徐早歲出入承明廬賦手飄然凌子虛  
一時作者名誰俱顧切同患感厥初蒿日時復心煩紆  
大廷詔下恰外除百里何必非良圖章貢形勝稱奧區  
潞江更不煩鞭蒲伯溫程氏古大儒會宰此邑垂嘉譽  
神明先後應不殊坐聽無訟歌比閭化行高齋常晏娛



寧碍碧山焚銀魚酬知不在春華敷讀書松桂官非麤  
一別三載只須與昌言早向

彤廷趨

潘

未字次耕號稼堂吳江人翰林檢討

前題

詞林盛儲才妙選書升秀良金更陶鑄德業期造就譯  
書一藝耳旁通便筆受奈何用程材殿最以此奏張君  
華國才鸞坡早騰驟移病十載餘著作等身富起補入  
承明文章推領袖翻譯非所工毫釐能無謬坐茲遂左  
官新銜改除授同尼四十人聯翩去朝右青藜黯無輝  
興國縣志

卷四十三

藝文  
國朝詩

八

志士為心疚何當修六典太史職還舊不侵象胥官一  
洗蓬山陋

入臣服官誼出入勞宜均宋時元魁選並令官親民俟  
其著聲績乃擢侍從臣欲令曉吏事然後垂朝紳此意  
亦良善乞外古有人君今宰百里雖屈道亦伸有民而  
有社盤根試風斤可以樹德惠於焉展經綸勿厭簿書  
冗勿苦俸入貧勝索長安米瘦馬衝紅塵勉哉砥清節  
堅白無緇磷佳政一以立令聞當日新三秋可報最重  
看上

楓宸民情與國計娓娓前席陳懸知金門侶練達無公



倫

王思軾字眉長號小坡邑人禮部侍郎

靈山

名山洵多奇靈秀冠茲邑閎氣亘輿圖殊形表坤極諸  
峯鬱青蒼羅列數百億得無創構初實煩造物力顯晦  
自有時天巧不遑匿軒然神鬼工翻為後人得遐思羨  
飛鶩嘉覽奇登陟寧辭杖屨勞一往窮不測巖巒數虧  
蔽林果富封殖江濤迴練光石壁類鐵色乃知禽向遊  
何常限封域五嶽安可尋三山未能即回首渺曠觀層  
雲盪胸臆

興國縣志

卷四十三

藝文 國朝詩

九

觀音巖

花雨飛寒香長夏無炎景誰將普陀巖超然置人境大  
士盤跣踞端居契深靜上覆林木陰下俯水天影清響  
迴涼颺餘霞帶輕暝佳約欣始諧游日時一騁屢聞溪  
鳥喧但覺石泉冷隱雷過南山夕陽破西嶺幽壑瀉復  
停連峯散逾整白雲若波濤彌望數千頃自顧機事捐  
况乃幽思併皎月照上方踟躕漏初永

香鑪峯

西江匡廬峯香鑪最雄傑日出盪層霄恍覩紫煙蒸茲  
山從何來氣勢宛相埒疊嶂覆寒雲懸崖破積鐵造化



侈壯觀玩好極陳設狀物實肖形命名紀前哲左顧祇  
林幽右帶流溪潔孤高不可躋一往每百折風雨千年  
餘石壁陰蘚裂木末迴斜陽飛翠互明滅須臾見金光  
連蜷挂雌霓如彼焚柴升崇穹罔不徹天門做虛無臨  
風數蕭屑

### 石鐘峯

大塊如洪鑪陰陽執鼓鞀象物鑄山川石鐘出江介巋  
然一峯尊特立當險隘初無斧鑿加胡然著靈怪巨石  
每孤懸清溪儼雙帶縹緲藤蘿纏深沉風雨灑蒼蘚剝  
蟲蠹奧草紛壘薤委地寂無聲或恐追紐壞杖策得殊  
興國縣志

### 卷四十三

藝文  
國朝詩

十

觀驅車情言邁乃知皇古前造物施狡獪俄聞迴颺生  
鎗鏃發天籟願持寥廓音於焉驚聾聵

### 象鼻峯

崩雲墜太虛委地如寸土矯勢復孤騫亭亭植天柱過  
客快指觀番象飲溪澣是物有殊能掇物以鼻取臨流  
尻逾高降渚首彌頰洞壑多谿衍利齒紛可數豈其眷  
清澄伉立自終古丹泉靜涓涓白石鑿楚楚剝蝕篆蟲  
魚騰驤驟羊虎茲峯獨不羣巍峩邁僑伍髣髴洱海裝  
伊誰繫尺組微徑復窺尋褰裳越林莽

### 龍胡石



軒皇上升時龍胡自天落突兀化雲根憑虛入寥廓山  
勢偶一迴崢嶸見頭角下垂百尺蘿土引千尋瀑谷暗  
俯頤頰巖空展斷齶片石態轉奇于思安所託得無天  
紳懸或乃地維絡陰藓競之而霜峯破廉鏗恆恐風雷  
驅終宵奮騰攫胡爲至陽精沉淪在幽壑人情喜更新  
造化忌穿鑿誰勒山阿銘於以靖謠詠

珍珠泉

山川無盡藏靈源不擇地緬此百斛泉矯作千尋勢驚  
飈灑巖洞紛然寶珠墜震盪迴江濤冥濛洩雲氣疑有  
鮫人宮微茫隔空翠時於飛瀑懸潛隕織綃淚或乃藪  
澤間虛無宅神異值茲巨靈掌竊取驪龍睡居高出以  
時潤遠隨所致始知大造宏實爲萬物利蕭屑轉喬林  
陰寒停薜荔幽賞在名區臨風累遙企

方竹徑

山行不厭遠舍宅入幽谷兩厓逼烟霏一徑墮雲木巖  
蒸石氣青壁繡苔紋綠仰視天漢光偃側不容幅豈伊  
昧往還前路紛以曲夾道多脩篁蕭森削寒玉託體惡  
輕圓孤生具節目爲憐勁直姿詎畏風霜肅顧步境屢  
遷欣賞隨所觸陰泉灑暗聲秋花展餘馥緬遵去程遠  
未遣征途速興盡行歸來披雲候樵牧



芭蕉洞

石乳溜懸厓玲瓏闢溪洞精鍊鏤堂皇朱霞結梁棟來  
從萬山間地脈每一縱邃壑互網維連峯交引控俄逢  
奧室開尙覺前除壅壁壘巨金城巖扉剖銀甕於中漸  
坦夷產物亦已衆嘉樹羅隱夫芳條綠平仲甘蕉最蕃  
鮮聯行若相踵流響播笙竽翔空翳鸞鳳稍濡零露灑  
始念秋寒重植根幸有涯全生類無用寄語北山靈幽  
懷託吟諷

仙女潭

百折始一迴厓窮路方見澄潭媚幽矚太素含餘絢石

興國縣志

卷四十三

藝文  
國朝詩

十三

氣交空濛山容雜蒸菑寒暑候不常晨昏態屢變時方  
積雨餘奔流下溪甸長河曳絳霄垂虹飲深澗崢嶸千  
頃陂停蓄亦已遍天水涵空明孤光曳飛電似有神靈  
姿聯翩出游衍蔓草披羅裳林花綴珠鈿嘉樹旣嬋娟  
遙峯復婉孌俯仰挹清輝踟躕日將晏

重巖厓

清溪貫兩山前征路愈緬西厓鬱纍纍錫名曰重巖疊  
嶂挂紅泉層巖護蒼蘚取徑入盤陀披雲下圓轉側視  
乳竇垂俄覩蜂房展伊誰肆甌罌羅列緣絕巘人力欣  
始加榛莽亦已翦磴道資攀緣林局足游衍肯辭疏鑿



勞彌覺高深顯陶穴太古風遺跡尙甞勉累碁勢苦危  
運甃智恆淺遙思抱甕言於以安孱蹇

### 金斗山

虔州古豫章靈嶽望廬阜其外茲山尊崔巍應南斗下  
發激江源巖谷自牝牡崇嶺鬱峒堯連岡互紛糾上顧  
天門高下鎮坤軸厚紆迴抱城郭磅礴帶林藪諸峯競  
趨蹌列嶂共先後亦如衆星朝北辰執樞紐緬睇良方  
輿爲形實峻陡勢壓空同巔險出雩都右二水并三江  
一氣納八九稊米視川原茹吐量所受方知大造奇賦  
形無不有斯理誠難明能者爲一剖矧乃景物嘉俯仰

### 興國縣志

#### 卷四十三

藝文  
國朝詩

三

得兼取絕壁聖丹黃層厓寫深黥雲縈灌木陰石瀉清  
泉瀏振衣陟青冥憑高絕氛垢河漢淡鬚眉煙霞落襟  
肘我昔愛名區郊坰卧來久商芝種滿園楚蕙樹盈畝  
時編薜荔裳或偕麋鹿友中歲入風塵頻年事奔走服  
食羨松喬容顏嘆蒲柳徒懷禽向遊取笑沮溺耦夙願  
果獲諧良期寧忍負荷蓀出田間躬耕依谷口興愜寄  
圖書忘機對尊酒晏子齊牛山羊公悲峴首下載諒如  
斯令名誰不朽

### 文丞相寶劔歌

層巖暗谷風騷騷上有劔氣干雲霄龍精何年此遁逃



往時開閫持旌旄丞相出師軍務勞玉匣夜斂虎豹韜  
牙門壯士迴赤條芒寒太白秋河高巖霜片片飛錦袍  
丁年憂國生二毛南奔萬馬如波濤天地崩墜哀所遭  
龜紋縵理埋蓬蒿間關絕徼風塵塵嗚呼信國久不作  
正氣依然在寥廓上有星辰下河嶽利器當年試盤錯  
荆襄爲鐔豫章鏑長鋏湖襄齒廬霍太阿無輝腕力弱  
一朝脫手千尋落金絲刻紐盤離索徒遣雙環鏤龍雀  
失主終朝光落寞風雨何因尙騰躍丈夫作事誠卓犖  
力挽頽陽效葵藿不上雲臺卽溝壑黃冠青史紛穿鑿  
欲鑄心腸作干鎖

興國縣志

卷四十三

藝文  
國朝詩

十四

松樹歌

海公作宰官茲邑手植喬松數百尺日杲時聞雷雨聲  
歲寒獨著青蒼色陰羅羽苞翕復張幹矯虬龍怒猶力  
扶疎直欲干層霄偃蹇空勞踞盤石百六十年歲月長  
邑人愛重如甘棠斧斤勿遣樵蘇近擁護惟憂匠石傷  
一夜洪濤起深谷勢壓江河撼林麓亭毒還驚汨沒深  
乾坤俄見推遷速枝梧旋教失異材漂搖早已摧喬木  
勝概移時海若收奇觀失後山靈辱黛色霜皮且謾論  
根株牙許幾回存蕭條不憚風霜苦長養終蒙化育恩  
世運詳看有陵替磊落孤標等輕棄天地難容屈強心



山川敢効扶持意佳氣無由望鬱蒸故老猶然憶蒼翠  
請看從來勁直姿末路安能免殄瘁

木客吟

上洛諸峯何岸嶠木客窮年寄巖壑自言身是秦時人  
親見咸陽土開拓阿房駢駢高入雲跨渭橫涇建樓閣  
三千宮女競歌舞百萬民人受鞭扑竊憂微命隨螻蟻  
勉使餘生偶猿鶴骨肉應悲遠別離林泉猶幸長棲託  
但聞海寓數變更不記山花幾榮落草衣木食心所甘  
虎鬪龍爭憶如昨事往潛驚容髮改我生欲覩昇平樂  
安得至治同黃虞萬室千家守耕鑿

興國縣志

卷四十三

藝文  
國朝詩

十五

石龜行

儒林鄉中有石龜世代流傳不可詰夙昔曾聞著神異  
今此來觀見形質月逐斗杓時轉移象託坤靈體充實  
循環歲序俄告終幹旋樞衡幸無失分明晦朔測星辰  
指點陰陽驗時律介蟲三百汝爲長鳳鳥麒麟亦儔匹  
不從大小獻禳祥却向泥塗作遊逸前度驚看河洛開  
他時定見圖書出山川信美足盤桓國色雖多處專寺  
石龜懷土尙知歸嗟爾人民去家室

文丞相祠

丞相祠堂在英靈迥未消松楸餘故國戎馬記前朝碧



血山河古黃冠歲月遙遺民懷舊烈長此薦蘭茗

海忠介祠

忠介留祠宇清琴此地彈微官猶展驥小邑暫棲鸞勁  
草占風疾蒼松保歲寒甘棠懷召伯遺植許同看

徐

炯 字章仲號自強崑山人山東提學

寄損持世兄

鬱孤雲樹杳難極懷彼美人天各一松陵儒雅本詞臣  
少日才名那可匹揮毫作賦凌鄒枚電掣星馳驚落筆  
楓宸入侍過八磚藜閣橫經陳太乙青門結騎憶同遊  
柳拂花簪好風日君懷本是絕纖埃世事何嘗較得失

興國縣志

卷四十三

藝文 國朝詩

六

翩翩出宰激江濱分手河梁倍愴神越國功勳光宇宙  
瓊州宦蹟歎淪湮巡農課士風俗美剔弊蠲苛政聿新  
石筍峯頂堪嘯咏秦娥山下足行春山城列嶂開圖畫  
官閣分題供笑嘖還憶江南舊同侶魚書莫惜往來頻

劉宏鈞

字滄石安鄉人信豐知縣

寄懷同官張損持興國

極目峯巒宵清風過檻徐礙雲秦客木藏壑越公書雞  
犬茆簷靜杭蔬稼圃舒寄聲河上宰卧治總清虛

陳阿平

字獻孟東莞人

寄懷張太史



門前一片東江水千里源從章貢開遙想故人爲政好  
遍流春澤向南來歷敷中外知民隱小試雲雷覩吏才  
太液警時趨海遠恩波還待入瀛臺

憶昨羅浮下採風城南聯句孟韓同徘徊井上求心史  
慷慨崖前弔宋宮小物盡編南紀內陸賈有南行紀新書還奏

北辰中嶺雲贛水相隣並持節何由到海東

吳涵字容大號匪菴石門人左都御史

寄損持

共攜珮珂侍

楓宸香案前頭是宿因墨綬忽驚分大邑玉堂至竟屬

興國縣志

卷四十三

藝文國朝詩

七

何人絃歌漸啟文翁化骨格寧關虞相迤望闕臺邊休  
引領從來官好在親民

張亨號鶴峯上杭人吳江知縣

興國留別家太史損持

烹鮮七載治如神撫字還須侍從臣迴野桑麻真可喜

一牀書卷未全貧芝呈黃玉幾先見鳴兆銀章寵自新

扶杖辭歸重攜手百年逆旅盡遊人

彭珩字中叔寧都人草亭集

贈張太史

章貢上游地險崎僻且隘梅水與激江同流而分派荒



厥俗尚殊文物等秕稗宋代有大中講學倡兩戒蒞治  
到平川發蒙振聾聵更憶謬謬姿此代海忠介高風等  
廬阜浩氣同澎湃張公命世才琳一垂金薤芳規挹杜  
蘅晶瑩拭圭玠載筆玉堂中廿年神仙界奉  
詔忽南來下邑膏雨灑程海廟祀古流風豈云邁吏治  
與聖賢先後符針芥上下六百禩隲美咸稱快短歌前  
致詞願展牀下拜

會先慎

字君有  
寧都人

前題

申子務明刑刑明奸愈起緬惟古先正致治德與禮斯

興國縣志

卷四十三

藝文  
國朝詩

六

義久無聞倒懸蓋有以卓犖張夫子騷壇執牛耳筆補  
造化工千秋仰愜史一朝出親民子遺安耘耔激江邑  
凋殘在昔畏多壘窮鄉積逋頑遠者二百里公以德化  
人刑措人有恥老稚盡謳歌德音洽遠邇慎也窮巷氓  
夙昔懷振靡親炙勤朝夕安得不色喜借寇亦偶然人  
心思愷悌庶幾百世下藹然知治理

張太史官舍有黃芝之祥詩以誌之

昔人避秦託採芝乃至山巔與水湄芝房歌作芝之衰  
宋時窮搜滿九達以求寵嘉日胼胝半山作記重以時  
和推於物理亦宜太史張公國之奇來治荒殘激水涯



德充以化民不欺有桑謾謾茂本枝和鍾生芝桑之岐  
小大并出光離離重旋其理玉其姿客有作頌長言之  
我亦附會踵爲詩不作芝房卿士詞商人遠不可期  
文武之道今在茲大雅涵濡千古思

湯永寬

字碩人  
南豐人

贈張太史

閭門邂逅喜談心別去燕臺少嗣音宦興早如秋水澹  
交情偏耐歲寒深三年報政還擎日百里親民試作霖  
上洛山前藜閣望故人隣蔭易招尋

湯永誠

字若人  
南豐人

興國縣志

卷四十三

藝文  
國朝詩

九

庚寅夏客興國張損持太史官舍有黃芝之祥輒

題三百字志喜

惟人冠萬物惟物得氣先自來積慶者休徵無或愆猗  
歟張太史痾瘵民瘼虔百廢旣具舉百祥亦集焉但看  
儀門柏靈鵲三巢巔

戊子己丑庭柏鵲巢興士  
人作詩紀之今庚寅復來

於今官

舍旁芝生詎偶然色如黃玉琮大如四升邊爛如霞錦  
敷甍如雲濤旋跗白有餘潤質蒼知彌堅苑彼扶桑植  
森梢勢參天綴旒相依倚飲和雨露偏曾聞新昌宰鬱  
生便坐邊涪翁瑞芝記口齒猶芳鮮譬之潁川鳳固爲  
循良傳何必帝王符銅池與甘泉我勤太史祝竚賡三



秀篇太史乃謙讓避席不遑前曰維昭

聖代曰維鍾激川長吏心所願嘉禾豐畝駢菁莪毓士

氣才雋奮聯翩微躬等株枿蒸菌浮雲煙庶為高堂慶

酈菊兆長年維桑必恭止瞻依魂夢牽太史嘗欲歸賤養形於寤歎

子聽斯語服膺倍拳拳炎暑桑陰下浮白重流連此芝

似解會向榮態芊綿蕪詞紀盛事六月荷錢錢旅客行

俶裝月規初上絃寄語胡道士辟穀謝瓊田寄言商山

皓羽翼睨鴻鸞

張尙瑗字損持吳江人興國知縣覆笥集

閨雨

興國縣志

卷四十三

藝文 國朝詩

二十

黑雲圍四山猛雨無日夕陵谷倏同流渠雷一奔濤呼

號鬼神驚震盪鯨鰲躑左官赴窮陬客歲經大瘠魑虐

早太甚千里池盡赤蔀屋無餅罌荒郊盈截骼顛連蒙

袂來咨嗟仰屋策傾廩發常平行糜遍阡陌且急倒懸

解未遑矯制責浩浩春連夏雹迸兼雷虩三霖無一霽

平地水千尺連朝俾吏報隳城如列帛起行衢巷間沒

腹還及腋比閭無完舍顛倒楣與碣平疇無畝澮縱橫

藻與柏山城異原隰置縣山之脊建甌苦湍駛水逝沙

成磧如何一瀕洞岡巒化淵澤不識都與會江湖混潮

汐蹙蹙鳩鵠徒駸駸魚鼈厄下吏何能為泣血虔叩額



刑牲前致辭雨師及河伯不憖遺我民撤霧鞭陽石燭  
龍銜其照穰穰藝菽麥率籲寧弗聞九閭若爲隔并命  
同陸沉冥冥宇宙坼

激江官舍卽事

虔臺名臣清獻趙熙寧救菑功矯矯一命存心必濟物  
伊川明訓佩之早興邑三程過化區外遷却喜前型紹  
斗米百錢吳越慣此間值之民鮮飽更堪翔貴日加倍  
豐年是穀荒是寶去歲恒暘無麥禾到官雨說隨車好  
三日以上霖爲淫別風淮雨愁蒸潦儒生願作親民吏  
救弊扶衰扞夙抱旣膺民社責攸寄絕異冰銜蹲舊沼  
興國縣志

卷四十三

藝文 國朝詩

三

土饒歲稔復仍饑溝中有瘠途有殍嗷嗷忍死待公來  
日扶我顛蘇我稿奔壘迴車賴御良沉筆作糜須婦巧  
宵分無寐聊徙倚官事如斯恐未了

偶成

冷性違時熱羸躬幸國肥聾牙谿石激涼澹岫雲飛柝  
靜放衙早毫枯判牒稀差殊下車日鵠面對啼饑  
簿領尋常理襟懷取次清鈔詩成吏課和事作官評叱  
犢閒歸壠鳴禽鎮集楹坐談侵丙夜義塾有書聲  
粉陰從糞社杏雨正催農綠穗畦高下紅芳樹淡濃火  
畚宵不暝水磴澗能春比戶貪堯日熙熙亦可封



起居炎土慣童僕里謳諳文筆鐫丹嶂鬚眉寫碧潭露涼挺橘蠹霜冷拾松蠶瑣事皆堪誌新題桂海函

彭載六以槎翁海桑詩集見貽賦謝

籍甚司成與聘君先朝避地激江濱縱橫詩筆山川麗蹂躪戈鋌杖履勤往蹟清風闕空谷開編爽露濯秋雲頻年軼事窮搜討倚作程鄉黼黻紋

六言詩

午飯公餘小睡秋齋雨後微寒經搜疑義方獲書緝零編偶完窗影天然墨竹茶香真味幽蘭頗知地僻心逸無那衰年興闌

興國縣志

卷四十三

藝文 國朝詩

三

巖石赭於野燒灘沙白似天霜魚塘五畝十畝茶嶺千行萬行催子歸禽聒樹救公饑粟登場小橋谿淺堪縛大戲邨喧未央

里人演劇十日或十一日一本者為大戲

牧愛堂

晦翁書余大司馬子俊刻石西安者也余鈎而懸之內署

寶翰前型在懸題意悚惶書城箴保障墨稼憫耕桑解古慙三鰓途危畏十羊不眠空畫肚中夜感痍傷

顧雲樓

江樹迷天際勞勞望眼舒稀封土行鮓長跪凱之書降



志聊甘辱移忠敢自疎何年乞休沐瓜壠侍揮鋤

學海

老父命名朱竹垞前輩書之以志景仰剛峯之意

孤憤來瓊海封章動永陵稜威一筆朱樾蔭萬松垞剛峯

先生於縣南課民種松縑比原難匹蕭規識所步趨高架在懸

對玉壺冰

樹梓軒

三年榎木拱七日豫章林寂歷含霜負輪困聳壑心露

莖滋滌硯風籟韻調琴怪底韓夫子庭楸百遍吟

興國縣志

卷四十三

藝文 國朝詩

三

芥舟

前令何潛起所題余仍之與卯亭相直

碧篠穠桃處精廬結構成茅亭雲外空畫舫鏡中行紙

尾供批答檐牙嬾送迎生平愁觸忤誰似野舟橫

方竹山房

家居故有此齋官所復得其理遂以命之

摸稜蘇相術規竅柳州文出處同聲曼盤桓只此君碧

鮮凌翠藹清闕隱簾暝誰似詹承旨琳瑯御藻芬明詹同對

高皇論及方竹之品因御製方竹記以賜

僧次燈與吳松若闢仙女潭石瑛達於東崖余所



題西崖之重巖亦平治可登而坐賦以記之

仙潭東西崖岫穴迥相望谿流界其間淙淙瀉清漾超  
距畏逾阮成梁乏化杖繞潭須腹行鶴步愁引吭山僧  
好事者謀鑿五丁嶂鑽攻犬牙盤結剔蛙腹脹竟達東  
崖巖玲瓏得幽曠石穴大者三排浦甲乙帳虬松偃蹇  
挂蒼翠交柯抗洞入小有天飄然縮塵埃西巖竇纍纍  
倒側羅甕盎我題重巖名僉曰肖甘狀石壁綴蜂房崩  
劣不可上興極恣搜奇揮斤總勞已衆中一竇寬周圍  
足尋丈列級便登躋磨治亦舒毫簞隨宜施尻股適  
所放可以攜鳴琴可以傾藏釀長時狎同遊如引客坐  
興國縣志

卷四十三

藝文 國朝詩

三

壙來過不厭頻擬費屐幾納

重遊靈山四首

行郊方綠暗到寺已黃昏為撫新草謁予所作記立碑後尚未經遊  
來尋舊宿軒三明參佛火百種變念言清夢晨鐘醒疏  
櫺上曉瞰

碎瀑千尋練明霞百堞城石頽藤小絡雲破筍孤撐黃  
鷓窺巢立元猿挂木迎重遊有新薜不負好山行  
暗巖經宿雨生意發新篁黃玉松時脆青雲石髮香膨  
脰排鬲巖崩劣度車箱自笑跛跣足猶登九坂岡予數日前

抱下堂之厄



稍喜詩僧對，儻然遠俗塵。貌癯蒼鶴脰，手斲黑龍脣。燈次

能琴嘗自製桐為之負荷林泉擔，支銷風月絡。鍊船遺跡泯，賴爾

溯前津。贈僧次燈

### 金斗山同成厦百穀宗衡作

癖尚耽搜剔，郊行涉莽蕪。攝衣向金斗，濯魄在冰壺。龍

徙灘聲壯，山臨龍下水蛇盤石級紆。憑高強留句，得擬北樓

無

### 巾子嶺一名君子嶺

鰲源亂山堆，有峯屹然峙。峨峨高切雲，巾子名有以。驅

駮髻斜簪，頽唐弁有頰。劈皴成折角，秀琢類瑱耳。古人

### 興國縣志 卷四十三 藝文 國朝詩 三

尊冠石巾山，或其比流傳。土語譌相率，呼君子山僧援。

舊聞辯析詞，纍纍我謂兩。無傷總成巖，壑美珞珞石。皆

貴囂囂，厓遂泮童頑。滿目前，兹獨秀而歸。仁者嘗樂山，

至人亦居壘。穢里與愚谷，亮其知免矣。假爾君子稱英

靈固無訾

### 龍坪

坐看石齒瀉，琤琤暫拂衣。塵滌眼明水，蓼紅鮮溪蘚。碧

潺湲聲裏，裹着龍坪

刈稻黃雲壓，板扉排松翠。靄濕浣衣，十巖一碧涼如洗。

說是秦娥作雨歸



櫟樹厓

幾憶拙毫五柞宮  
竭來荒谷撫龍蒸  
託根莫謂分涼燠  
徂栗龍槐總朔風

張公橋

川西坂記王陽過  
塞北城留趙信居  
不為左官應此地  
底須橋姓早從予

白雲峯秦娥廟同詹敘五作

危峯直上十五里  
鐵瓦石垣憑沈濲  
指點雨晴分壠首  
俯看蝮竦踠山腰  
撤環侍父垂芳躅  
重趺祠神信俗謠  
葺構行行題姓字  
稍欣物力邇年饒

興國縣志

卷四十三

藝文 國朝詩

美

羊山龍華泉同蕭緒士作二首

力渴升邱倚杖扶  
碧釵松底味雲腴  
莫言一畝生毛羽  
傲吏膏肓是所須

羊山觚觸鹿山摧

興國江口有鹿山俗言羊鹿相觸也

右脉源移左脉開

泉故在菴右一日忽枯左行數十步復湧此泉清甘相敵  
山下繡原田萬頃  
肯輸靈液灌枯芟

花橋西厓僧舍締構絕壁間  
屢過不得上已丑冬

里民陳之巽鑿險通道設茶菓  
邀余賞之東厓

岫穴中亦結茅相對殊為山川  
點綴喜而口占

二首



飄飄語笑半空中懸度蛇盤與鳥權今日爲予成吉語  
天書親捧翠微宮

石樓關處透天光翻怪雙厓面太行不絕涓涓橋下水  
好添花片賺漁郎

山陽磔四絕句

涓濱千畝史公書何似山邨萬頃餘磴曲谿迴三十里  
蕭蕭寒綠遍籜筴

平鋪甌甌密編垣荆不堪扉榿謝籓正誦黃州竹樓記  
琮瑋碎玉雨翻盆

時值驟雨

層巒五里締山莊屈注流泉蓄水塘水閣軒窗山絕頂

興國縣志

卷四十三

藝文 國朝詩

七

風漪一片碧蒼茫

耆壽坊傳百歲翁三朝耕鑿古人風也從合譜趨流競  
詞苑標題護碧籠

程水

楓柳烟莊綠未萌荒郊留得二程名凝眸殘雪山中白  
熨意春風坐上行巢鵲噪晴遷遠樹柵雞鳴午惜餘杭  
差如鄂縣前川路于役慚予世網嬰

白華菴

自言法華山派因白石邨名白華

何年談上品嘉號被幽岑靜對鬢陀相深關絜白心違



顏槍離獸缺養愧惟禽繞逕繁花發聊當朱萼尋

對嵩巖

舊名雙龍巖與蠟石岩相直蠟石之峯二十六  
予改今名并繫以詩

維嶽古嵩高厥峯三十六黃海與幔亭並峙雄南服

武夷皆三十六峯激江嶺北支羣巒春筍矗植如夏屋楹叢如

羽箭鏃海舶卸帆檣霜林脫葉木屈指枚計之四九數

更僕揲著老陽策吹律黃鍾谷相直面層巖竄篠施重

屋畦町隔牛鳴坡陀堪鹿宿夕陽睇諸峯一一皆在目

露掌翠森梢雲鬢青起伏鐫崖錫以名神游二室麓相

興國縣志 卷四十三 藝文 國朝詩 三

對不相厭涼岑新雨沐

敦邱歌

興國長逕口有山如覆敦余引爾雅以敦邱名  
之繫之以詩

嶺北山形似堆阜困蠡坡陀呈怪醜白羊南下藍陂路

禾黍油油見疆畝連岡起伏蹲路隅中堪愛翫幾培塿

太樸不雕形混沌精錢磨礪顏色黝團如列幕施穹廬

突如釘座蒸餛首首尾弭帖脊背崇中央隆隆何所負

衛城食已僧置鉢澠池宴罷王按在戎援古義釋邱名

位爾珠槃與玉鹵若教彌谷變敦彝酌樽於衢人醉酒



咄哉天道盈必覆孟而覆之安且久神禹鑿河釜得名  
文王繫易艮無咎敦邱邱下編戶千誰施疇庇安茹蔀  
詩成驛霧告山靈大笑巴吟供覆瓿

瀧石歌

瀧上石兀興國貴發瀧上石殘興國荒寒瀧石之殘由  
中官千艘轉粟谿灘難五丁椎鑿攻嶮岼裕陵復辟迨  
後二百年士林寥落無衣冠凋傷喬木焚芝蘭洪鈞幹  
運倚真宰邇來奎壁漸光彩銀臺列象逼鼎鼎蟾窟桂  
枝相繼採人言瀧石已遷改癸甲之間形磊磊榜人不  
復歌欵乃迴舩捩舵如摩壘我謂禎符端有在文教興  
興國縣志

卷四十三

藝文  
國朝詩

三

衰繫勤怠勗爾媵修功力倍韓為泰岱蘇為海國有人  
焉道斯待莫將瀧石程功罪

重步榴岡有感

卽江東祠池前石岡也郡志榴岡下有曲澗水  
石琤然有聲而邑乘闕書予始題詩作記皆稱  
江東祠劉廣文去僞父子呂孝廉希宣所居直  
岡之前後予每憇此劉呂輒追從焉或攜茗飲  
劇談今希宣謁選都門劉氏父子相次卽世庚  
寅四月旣望過此為之黯然

每到清谿眼倍開相逢笑語出山隈一般雨後臨池樹



岑寂濃陰覆綠苔

茅亭纔覈古岡名

呂仲善與陳海桑茅亭唱和卽此處

泉石泠泠瀉玉琤

眼底符黎皆雨散負瓢獨自遶西城

暮經楓樹菴入宿黃蘿山

居山遂茹山山僧樂難罄松杉官稅賒茶筍齋糧贖喧  
幽鳥雀林狎嶮巖徑投棲一訪之蒼靄天方暝偃柏  
與拔柗灑灑泉鳴磴雙林三里間窈窕致殊勝采菽薦  
時鮮雜錯蔬盤釘桂花何處發客夢清屢醒晨鐘憫吏  
勞秋月窺禪定何時脫塵帛寂歷夏孤磬起行謝柴扉  
階莎露珠凝

興國縣志

卷四十三

藝文 國朝詩

三

覆笥山

我昔家隣縹緲峯禹書金簡隔凡蹤我今謫居覆笥巘  
秘籍天人經卅卷平生好書兼好山擬探雲笈搜婀娜  
芒屨籃輿簿書暇嵯峨萬仞躬躋攀壞刹摧頽古泉冷  
白雲滿地餘榛菅輸寥之館渺何許巖扉無路敲雙環  
自古神山不可至少霞夢醒新宮記可否仙公許補亡

道經涓子爲北海仙公

百首蕪詞題覆笥

新詩名 覆笥集

種蠟謠

同類女貞殊性栢冬青分派呼蠟樹蟲生緣樹樹名蟲  
孽蓄桑螟將桂蠹稍同桂葉寒不凋碧榦龍葱度冬迥



冬深嶺民分蠟種火齊纍纍堪指數氣交卯坼相蛹化  
苞藏箬裏紛蟻聚蠕蠕葉底爭噉食戢戢枝間森布蔭  
力命還如牛糞金委蛻不知禽化羽皇皇滌釜更着單  
淘之汰之費澄瀘團團白月截肪鮮鎔烝碧海熬波素  
天孫機錦研繚綾王公庭燎燃燈炷蜜蹠蜜脾古有之  
攻蜂蓄蜂人所驚誰知人巧更蟲天樹蠟生新蜂蠟故  
甘芬姑謝百花釀皎潔直擬三危露方物旁搜本草經  
詩篇擬續蟲魚疏

采葛謠

葛覃風始岐鄴境王風唐風迭篇詠禹貢惟絺載充雍

輿國縣志

卷四十三

藝文  
國朝詩

三

筐篚中原物華盛胡今此種北來鮮越吟采葛曾誰聽  
雷州貢葛卉服存增城祁陽賈舶競西江冠美說西山  
贛州產敵盱江勝潏江瘠土被服艱賸有綵兮陪後乘  
風條露蔓蔽平疇雨笠烟鋤斫危磴纍纍紅紫分筋肉  
歷歷方圓陳緯經去聲鳴機聲促暮蜚啼漚池紋動遊魚  
泳土風不蠶亦不桑西川課織慙忠定獨羸鹿藿陪鼠  
壤越錦吳綾誇麗靚俗樸無煩濯水鮮候炎絕少涼飈  
勁桃江信湘洪會巧機杼採買徵求煩甲令不如治解  
足餬口產薄工巖民未病相逢滿眼任西華葛天氏國  
吾從政



刈薇歎

薇省署中書芳譽垂絲綸樊川號紫薇清才冠儔倫嘉  
植世所貴平泉伊玉津潑江固無花蕭條桃李春寂寂  
春徂夏童頽如塞濱偶行適郊坰紅薇爛然陳荒畦被  
犖确仄磴銜嶙峋腰鎌牧蕘兒斬斫同菅榛枯枿旋萌  
肄燒殘雜野燐對之潛然悲賦物有屈伸海枯混魚蝦  
崑紈罹石珉何地不產材要在識者甄抑之委黃埃揚  
之入青旻南州禮璆稗西川擢覽珍元草覆醬瓿詆諶  
有范逵呼童攜薇歸謹植蒼苔茵婉婉蕉梧逕徘徊風  
露晨見者猶晒之乃寶吾斯新

興國縣志

卷四十三

藝文  
國朝詩

三

煮鵬歎

初冬風日清嶺嶠未落木山禽豐羽毛下上紛林麓  
罝罟時入林飛土歌續竹弋鳧兼射雉佐饌充蒲菽白鷗  
翩然遊皓質皎於玉虞羅一中之恣取混殪殪纍纍入  
肆懸沽沽論價鬻嗟哉造物理貴賤詎無族瑞世必鸞  
鳳充庖乃雞鶩彈雀貪被擒羹臯惡自蹙斷尾犧宜憚  
拔擊巢免覆蔚爾素鵬姿雙壁高韞匱毛革謝麾章脂  
膏違鼎餽開籠狎可逝鍛翮馴難辱何來世網嬰莫悟  
殺機伏元腥及瑛瓚秦坑被綺紈鮐鸚脂孔雀桂海噍  
文穆漁洋賦射鵬此風來自蜀

見香祖  
筆記

魚鳳泣何勝責



鶴窻已酷微謠醒民狂永嘯悲天桔

水碓

輾轆碓懸杵循環杓轉磨機心運天巧不由人力作音做  
淙淙下灘水衝朝靡不破蓄水置水漕為輪值其過輪  
水日擊撞杵軸日盪摩去聲翻聯車腸轉竿碓鋸齒銚白  
響玉琤琤粟圓珠箇箇中夏納禾時甌窶豚酒賀拊擋  
舂碓場羅列秬與稷一輪連廿碓力少而功大家丈雜  
傭保晝夜兼坐卧寄頓收隣值羨餘足官課輕莎老牯  
眠衰樹寒蟬墮黃篋舫頻移青荷飯堪裹由來抱甕勤  
不及桔槔惰勞哉吳下儂廡下春歌和

輿國縣志

卷四十三

藝文 國朝詩

三

糖車

閩南多蔗林青葱被廣陌行旅渴無漿飽噉任采摘土  
風任恆產製糖有常格鋸齒磨輪形驅牛負其軛植如  
穀磨剉汁似漕牀滴坎地置瓷罌涓涓受瀝液旁為釜  
甑具熾火燔以炙既濟功斯成粲然熬波白作甘配酸  
醎飴錫隨俗適蠶密釀花房米汁炊薺澤總輸諸境佳  
流涎舌皆醋千畝橘與漆請續貨殖冊

紅蘭

叢生野草中燒山者不能辯輒焚之花時愈盛  
俗名火燒蘭一名血絲蘭



焚芝遺種賸奇芬玉茁猶餘血淚痕滿地山鷗兼躑躅  
洗殘春雨日溫磨

舊階庭下紫蘿囊赤管新含握裏香莫與東莞分品格

東莞素蘭最盛丹心一並素心長

縣齋古柏戊亥間有鵲巢焉不至者二載矣庚寅

春復巢喜而志之

素臆相依似古人銜泥君屋意同親輪囷古柏霜皮悴

莫認靈槎舊漢津

十尋龍攫老蒼髯歲晏婆娑轉不堪却愧仲常漳水解

雙栖長對爾喃喃

輿國縣志

卷四十三

藝文  
國朝詩

三

雙芝

齋房舊句憶甘泉亭記新昌莫漫傳慚愧山靈靈貺厚

珊珊雙樹茁芊綿

元草成來俟慶雲只同幽谷悶蘭芬茵蒸枿朽安吾分

有日輪囷燭紫雰

楊之蕃

贛縣人

呈損持先生

鳧鳥南飛出九天爭傳明燭賜金蓮人瞻叔度波千頃

邑被文翁化七年好客不嫌歌短句著書聞已續長編

名流自是多佳政朝野如今望若仙



梁

機字仙來  
泰和人

陪損持先生登興國麗譙

春淺遞陰晴物色歛駘岩登高縱遠目好懷恣奇曠微  
 微度和風稍稍瞰遙嶂煙火辯千家窈窕翠鬟障怡然  
 慰閒情令宰夙心尚到來傳呼靜巡檐佳遊償夙曩何  
 嶒峻文筆挺干將樓有太  
史碑記敞軒野色深決皆山川壯還  
 傾冰堂春漉巾酣新釀論文語聱牙撫景歡閒暢虛響  
 動幽聽江流沸遠浪古柏與垂柳青翠宛相向倏然山  
 雨來濕雲正搖漾翠屏芥迴互樹色浮滌盪渺爾山城  
 間茲樓萃奇狀地偏景斯清心遠憶所叙浩歌一憑欄  
 興國縣志

卷四十三

藝文  
國朝詩

三五

尺五青冥上

學海堂

名宦由來傳此地謂宋程  
莊諸公瓊山勁節砥迴瀾後來能事  
 人誰屬前輩心期學所難堆架奇書盡鴻秘橫秋老筆  
 亦霜寒額為朱竹垞先  
生書筆勢道勁歸朝袞職還當預珍重威稜殿  
 上看

芥舟

為憐畫舫錫名嘉仍著茅亭倚竹斜到眼無驚恣游泳  
 此心不繫任煙霞鴟夷虛泛三更棹牛女徒勞八月槎  
 解識坳堂杯水意起看門外即天涯



同子孺遊仙女潭

城市勞勞到此間清暉千疊不吾慳巖花晴日紅初遍  
鳥道蒼煙險更攀石洞人稀尋故迹澄潭水白澣塵顏  
上人莫訝詩情少特向山中學懶閒

尹元貢

字仲禹  
雩都人

芥舟

欲作浮生計坳堂境未遐虛舟同泛海一芥即為家萬  
物不自小吾心詎有涯風波全付與靜對滿欄花

木客吟

驪山一炬烽烟起咸陽宮殿飛灰裏當年百二誇雄圖

興國縣志

卷四十三

藝文  
國朝詩

三

不控阿房三百里可憐使者紛八荒採木僻壤窮巖疆  
客來止兮上洛山不死却得延年方黃精作飯松作漿  
白雲為衣霞為裳明月伴我山中顏翛然放歌天地涼  
三山仙人晤非偶海水蒼茫不可走闕向風塵問世人  
徐郎採藥歸來否

詹宜倫

字敘五  
贛縣人

顧雲樓

不盡庭闈戀蒼茫望鴈過憶鄉紅蓼滿到眼白雲多十  
二時堪數三千水若何閭門如練處髣髴見通波

陪遊秦娥山



諸峯環剌鬱崔嵬穿穴憑崖構竹扉孝跡有無存禱祀  
仙蹤雲雨信依稀新煙乍湧晴攤樹曉露初零暗濕衣  
清籟遙聞天外發恍疑笙鶴傍空微

沈時棟

字成廈  
吳江人

儀門古柏

虬榦森森掛碧蘿千年留得此喬柯乾陵剌蹟休嫌晚  
新甫遺詩未足多却待化龍看天矯每因巢鵲愛婆娑  
使君珍重非無意會歷風霜未肯磨

遊金斗山

嵬峩金斗劈五丁層巒複嶂如列星若斷還連不知數

輿國縣志

卷四十三

藝文  
國朝詩

三

或立或仆具衆形茲山迥出萬山表縱覽寥廓何杳冥  
捫雲摘漢天咫尺憑虛遙吸數點青我欲乘風上瑤闕  
俯瞰海底走曜靈待叩蒼穹終莫叩安能於世矜獨醒  
須臾雲海沈下界路仄羊腸踵先礙攀蘿附葛凜難留  
策足前驅寧少待盧禪巖畔水清漣濯濯纓濯足水藻鮮  
側聞昔人值喪亂避世有若仇池巔誰是能知漢魏人  
悠然滄海還桑田余亦來遊閱四春人和政暇俗還淳  
采蘭已快登臨樂茲復追陪共使君



白

潢

字近薇奉天蓋平人大學士

送少宗伯興國王公

予告還鄉

澱水家聲蓋代聞容臺典禮佐華勲能將廣厦儲寒士  
得遂初衣荷

聖君祖帳儼同疏傅事錦堂快讀長公文春朝介壽筵  
開處上洛山巔駐紫雲

陳元龍

浙江海寧人禮部尚書

前題

四十年來績不刊懸車國老寸心丹已知白髮歸疏廣  
尚有蒼生憶謝安槐樹堂中新擘脯桃花江上好驂鸞

興國縣志

卷四十三

藝文國朝詩

三

林泉後樂閒無事莫厭蒲輪駐水干

龐廷儀

直隸靜海人刑部尚書

前題

九衢爭送侍郎歸還向烏衣着錦衣桃李春官雙鳳闕  
芙蓉秋水一漁磯烟雲南浦情偏勝絲管東山興不違  
天酒黃封靈壽杖似公方說古來稀

王承烈

字遜功陝西涇陽人吏科給事中

前題

儒林鄉境似瀛洲章貢滔滔合巖流中有偉人迴出儔  
天開文運佐



皇猷妙手工成五鳳樓鳳池劔珮聲悠悠燕趙齊魯珊  
瑚收鍊網宏開炯炯眸銀臺金屏次第游典禮秩宗  
帝眷優夙夜寅直清如瀏鬱鬯格神薦二白秀才納粟  
論浮侃侃得公

國體留普天士子頌不休卽此一事足千秋

新皇嗣位重碩謀玉鉉佇升卜金甌壽厯花甲將十周  
引年高致志林邱爲望橋山暫逗遛露白菊黃返旆旂  
明歲春添海屋籌儒林鄉畔喜扶鳩繩繩繞膝忘寰球  
霞觴飛處味百羞神仙允矣勝公侯後輩曾叨子輩猶  
欣逢盛事遍謳謳秦聲瓦缶愧難酬

典國縣志

卷四十三

藝文  
國朝詩

三

徐葆光

字亮直江南吳江人翰林院編修

前題

引年期未屆先上乞身書畫錦三千里仙齡七十初金  
甌方佇卜綠野早懸車謙抑神常歛剛方氣自知盈廷  
羣唱和異議獨迂疎但欲清賢路寧忘富國儲片言  
天意合四海士心舒議定于秋重身歸俟望虛勳名留  
竹帛蹤跡狎樵漁百歲匡廬老雲山奉燕居

俞兆晟

字叔穎浙江海鹽人左春坊左贊善

前題

憶昔歲戊午勝衣在花縣惟時先君子撤棘擁歸臆手



持先生文珍惜如禁嚮江臯秋水洒把酒乍相餞  
帝里俄春風櫻桃聞九讌南北隔遠音十載重會面林  
林賓堦客濟濟朝右彥盼睐獨相加青袍不容赧功名  
只巍峩古道自懇欵從茲後十年見數意逾煖卿月照  
天衢金甌待鉅典何爲做疏傅竟買潞河編關心感昔  
游中懷難自遣彈指又綺春杖國慶方踐笑攜崆峒侶  
平泉花正舊顧瞻長安塵輪蹄紛輾轉

萬承蒼

字字兆南昌人侍  
講學士孺廬集

前題

解紱南宮賦遂初論年猶未及懸車

興國縣志

卷四十三

藝文  
國朝詩

四

兩朝碩德承褒旨萬里輕裝有

賜書去日丹心依魏闕到時青眼對匡廬公卿執手臨

歧別歎息榮名繼漢疏

立朝本不爲身謀去住情懷澹似秋燕地黃花開祖席

楚江紅樹帶行舟猶聞庠序傳餘論

初德清蔡宗伯疏  
請士子得納粟爲

在員有  
公力持不可事遂寢

旨議覆  
卻上崆峒訪舊遊吟伴好招梅學

士同時二老亦風流

時少詹學士梅月川  
先生亦請告歸南城

